



Dai 24 cina ai 29 de agost él gnü organisé dala Uniun Sport Amatoriala La Val la secunda ediziun dl “Viola Football Camp”. Chësc iade àl tut pert 50 mituns (17 da La Val, 15 dal Mareo, 14 dal’Alta Badia, 2 da San Martin y 2 da foradecà). A d’alenè y insigné les techniches dl palè él stè cater alenadus che à na gran esperiënza te chësc setur. Plü avisa se tràtel de Rizzo Francesco (ex sógadù de “serie A” y nazionala taliana) che se à dè jö cun les techniches da stopè y le saltè cun le pal. Mancini Oliviero che à insigné le “dribbling” y le colp te porta. Mancini Fabrizio (le môt de Oliviero) che à fat esercizi de velocitè y forza. Ricetelli Carlo (ex secundo portier dla Roma) che ti à insigné ai 9 portiers les techniches de basa por diventè n bun portier. Bele le pröm dé àn odü che i mituns à n gran interès da imparè valch de nü, an à odü düc che metô dër averda ci che i alenadus dijô y se porvâ. Cun gran plajëi ùnse podü aldì dai alenadus che chësc é stè le grup cina sègn che se à porvè le plü y olache al è na gran disciplina. Chësc à dessigü portè de bugn früc a düc i mituns. Na gran fortuna él stè cun le tèmp che é stè dōta l’edema dër bel, i podòn insciö jì inant cun dōt le program dl camp. Le camp é gnü stlüt jö la sabeda olache al é gnü fat scuadres moscedades y che al é gnü sóghé n pice tornê. Atira àn odü i mioramënc suradöt dl jüch y dla posiziun te ciamp di singui sógadus. Do le tornê él gnü fat na picia premiaziun olache al é gnü partì fora n atestat de partezipaziun al camp cun les firmes di alenadus. Le president dla Uniun Sport Amatoriala La Val à reingrazié düc i voluntars che à daidè organisé le camp suradöt Sottara Fabian, Ferdigg Christian e Sottara Freddy y les cōghes che à cujiné dër bun dōta l’edema. N giulan particular ti va inçe ai cater sponsors: Cassa Raiffeisen Val Badia, Edilfer, Selgas y Proficolor.

Pur ciaré ales foto clicca. [FOTO](#)